



Alex Solozabal, Munduko Zesta Txapelduna 1963 eta 1966 urteetan:

**“1.963 partidu jokatu ditut,
guztiak irabazteko esperantzarekin”**

Ermuan jaio zen Alejandro Solozabal duela 77 urte eta badira 50 urte zestako munduko lehen txapela lortu zuenetik. Bost anaien artean bera da gazteena eta besteek bezala, ia umetatik ekin zion kirolari. Ermuko frontoian jokatzen zuen hasieran, Miguelito Altuna, Juanito Okariz eta Alberto Elejalde lagunekin eta Kuban, Mexikon eta Miamin aritu eta gero, Munduko txapela eskuratu zuen birritan Durangon, 1963ko urrian eta 1966ko azaroan.

- Noiz lortu zuen Munduko Txapela?

Bi bider irabazi dut, 1963ko urriaren 13an eta 1966ko azaroaren 20an, biak Durangon, kasualitatez. Lehenengo partidaren emaitza hauxe izan zen: Ondarrés - Larrañaga 31 / Alex - Txikuri 35. Bigarren txapelaren emaitza izan zen honakoa: Alonso - Larrañaga 22 / Alex - Elicegui 35. Garaikurra eman ziguten, garai hartan ez baitzen txapelik ematen.

- Irabaztea espero zuen?

Espero... beti! Esperantza ez da galtzen!

- Nolakoa zinen jokalaria moduan?

Ez nuen indar asko, baina teknika, nerbio eta hanka onak nituen. Zestan ondo jokatzeko, besoetan beste indar behar da hanketan. 'La gacela de Ermua' deitzen zidaten, oso bizkorra nintzelako.

- Hori zen zure gaitzizena?

Hemen bai. Atzerrian, berriz, 'Soloizabal' nintzen, Miamin jokatu arte. Miami-koentzako 'Soloizabal' oso luzea omen zen eta 'Alex' ipini zidaten.

- Askok zaindu behar zinen?

Bai, beti zaindu naiz. Jatekoan ez, esaterako, zetorrena jaten nuen. Egia esan, ez nuen asko jaten eta orain ere gutxi jaten dut, baina dene-tik. Parranda dezente ere egiten nituen... Tira, beharbada ez nintzen asko zaintzen...!

- Zer dela eta hasi zinen zestan?

Osaba batek Txinan jokatzeko zuen zestana eta hark oparitu zidan nire lehen zesta. Ermuko frontoian hasi nintzen orduan jokatzeko, 8 urte inguru nituela. Bost anaien artean gazteena naiz eta ordurako bi anai nituen zestana jokatzeko eta beste bat palista Madril.

- Euren urratsak jarraitu zenituen, orduan?

Garai horietan afizio modoa zegoen eta nik ere ekin nion. Ermuan apur bat ikasi eta gero, 12 urterekin-edo, Markinako frontoian entrenatzen hasi nintzen. Bertan frontoi handia zegoen, itxia eta errebotearekin.

- Zenbat urterekin egin zinen profesional?

16 urterekin joan nintzen A Coruña-ra profesional moduan eta handik Zaragozara. Han urtebete jokatu nuen eta 18 urte egiteko nituenean Habanara eraman ninduten.

- Nork eraman zintuen, bada?

Ikuskatzaile batek. Bertatik etorri zen eta joateko prest nengoen galdetu zidan. Aitak baietz esan eta pentsa, ni poz-poziki! 1955eko abuztuaren 4an debutatu nuen Kuban. Bertan laguna nuen kazetari batek koadernoan oparitu zidan eta ordutik partida guzti-guztiak apuntatuta ditut: datak, le-



kuak, emaitzak... Nire debutean irabazi egin nuen: Vergara - Retolaza 15 / Soloizabal - Millán 25. Hasiera ona izan nuen!

- Nola bizi zineten Kuban?

Ederto! Lau joan ginen hemendik eta hotel batean bizi ginen. Entrenatu eta astean partida bi izaten genituen, ostegunetan eta larunbat edo domeketan. Hilean 8 partida izaten genituen guztira. Denbora librean hondartzara joaten ginen, parranda apur bat... Oso giro ona zegoen gure artean!

- Euskaldun bakarrak zintzen bertan?

Ez, 20 edo 25 zestalari euskaldun ginen. Gutaz aparte, Mexiko eta Kubako

gutxi batzuk zeuden. Miamin, berriz, denak kanpo-koak ginen.

- Eta, hala ere, afizio handia zegoen Miamin?

Bai, frontoiak jendez lepo egoten ziren. 10.000 lagun sartzen ziren frontoi batzuetan eta topera betetzen ziren!

- Habanaz gain, Miamin ere jokatu izan duzu beraz...

Bai. Habanatik Mexikora joan nintzen hilabete birako, baina aurretik baneukan sinatuta kontratua Miamira 4 hilabetetarako joateko. Handik Habanara beste 6 hilabete, Miami, Habana, Miami, Durango, Miami... urte erdi inguru egiten nuen leku bakoitzean, kirol den-


"18 urte betetzeko nituenean ikuskatzaile batek Habanara eraman ninduen. Ederto bizi nintzen bertan!"



boraldiak zirela-eta. Diru asko egin nuen garai hartan.

- *Non ibili zinen gusturen?*

Habanan: oso ondo bizi ginen! Gainera bertan ezkondu nintzen, 25 urterekin, Fidel Castrok agintea hartu eta gutxira. Emaztea



eta biok bannandu egin ginen urte batzuk beranduago baina bi seme-alaba ditugu, Miamin bizi direnak eta duela gutxi bi hilabete igaro ditut bertan erekin. Lau iloba ditut baita ere eta nagusienak 25 urte ditu jada!



“Pena handiarekin erretiratu nintzen, 47 edo 48 urte nituenean. Bajatuta nengoen jada, azkenetan”

- *Lehen aipatu duzun koarderno horretan, zenbat partida jokatu dituzun apuntatuta duzu?*

Bai. 1.963 partida jokatu ditut, horietatik 1.063 irabazi eta 900 galdu.

- *Eta zenbat urterekin erretiratu zinen?*

47 edo 48 urterekin erretiratu nintzen, Durangon. Bajatuta nengoen jada, azkenetan. Pena handiarekin utzi nuen eta horren pena izan dut beti. Horrenbeste urte jokatzeko egon eta gero... Horren ostean Gasteizen ibili nintzen tailer batean lanean anaiarekin batera.

- *Zer eman dizu zestak?*

Nire bizimodua izan da eta jende asko ezagutzeko aukera eman dit, leku guztietan. Frontoira jende asko etortzen zen eta partidua bukatutakoan niregana etortzen ziren denak, ni zoriontzera.

- *Zure jolaskideak izan zirenekin harremana duzu oraindik?*

Bai, Markinako ‘Txino’ Bengoa, Zarandona eta Gisa-

sola esaterako, sarri ikusten ditut. Miamin, Txutxo Larrañaga, Orbea eta Tximela ditut eta, bertara joaten naizen bakoitzean, eurekin egon eta paella eder bat egiten diet. Ia urtero joaten naiz bertara edo, asko jota, bi urtetik behin.

- *Senideren batek eutsi dio kirolean aritzeko ohiturari?*

Bai, anai baten semeak Miamin jokatzeko du gaur egun, zestaz.

- *Eta orain pilotazalea zara?*

Bai, telebistan ikusten ditut partidak. Frontoietara gutxitan joaten naiz, omenaldi bat eta ongintzako partidak egiten direnean baino ez.

- *Zein pilotari duzu gustuko?*

Eskupilotan Titin asko gustatzen zitzaidan, baina orain ez dabil ondo. Olaizola II.a eta Irujo gustatzen zaizkit; atzean Merino II.a, esaterako. Zestean, berriz, ez dakit ezta nortzuk jokatzeko duten gaur egun. Pena da, baina zegoen afizio guztia galdu egin da!

Dorleta Vidal

AMAIA HARATEGIA



Bertoko Okelak

Probaleku 5
Tfnoa. 943 17 05 84
Ermua

SEHIGA



LAN-BABESA

Goienkale kalea (Ermua)
Tel: 943 172 454 / Fax: 943 033 821
sehiga.proteccionlaboral@gmail.com

Iberikoetan
espezialistak



VI Centenario 5
943 172 412
ERMUA

Arinka zapata-denda

- Jose Saenz
- Primigi
- Timberland
- Geox
- Gorila
- Converse...



VI Centenario 17 - Ermua
943 17 41 26

Umeak
Gazteak
Emakumeak